

مصلحت‌العلم

۱۳۲۶

در سعادته یکی پسته خانه قارشونده
دائرة مخصوصه در

مسکونه موانع آثار جدید مع المنزله قبول اولنور
درج ایدیلین آثار اعاده اولنور

نظاره:

دین، فلسفه، ادبیات، حقوق و علوم دین باحث هفته‌لق رساله‌در

در سعادته نسخه سی ۵۰ باره‌در

تیریلندن مقوا بورو ایله کوندریلیرسه سنوی
۲۰ غروش فضله آلنور.

در سعادته پسته ایله کوندریلیرسه ولایات بدلی اخذ اولنور.

تاریخ تأسیسی:

۱۱ نور ۳۲۴

مؤسسلی: ابوالعلا زین‌العابدین - ح. اشرف انیب

سنه‌لی القایلی

۳۵ ۶۵

۵۰ ۹۰

۵۵ ۱۰۰ غروشدر

در سعادته

ولایاتده

ممالک اجنبیه‌ده

برنجی سنه

۳۲۶ شوال ۱۷ پنجشنبه ۳۰ تشرین اول ۳۲۴

عدد: ۱۲

نفسیه شریفه

خلاق ذوالجلال حضرتلرینک احسان و عنایت بیوردینی قابلیت
فطریه و مواهب سائر بشریه سایه‌سنده نوع انسان، استحصال مقصد
و مراملرینه توسط ایده‌جک چوق اسباب و وسائل احضار و استعمالده،
مصلح و منافک آرزو اولوندینی هنکامده حصول پذیر اولمسنه حائل
اوله‌جق بعض عوارضک منع ته‌اجنه ممکن و اقتدار پیدا ایده‌بیلش
ایسه‌ده؛ بالجله افراد بشریه‌نک سرأر خلقته تماماً آش اوله‌مدقلمری،
کائناتی تسخیره قدرت کامله و کافیه احراز ایده‌مدقلمری جه‌تله‌ک زیاده
اوزندکلمری بعض وسائل جلب و تدارکدن، و سائل مستحضره‌نک
عقامتی «وجب اوله‌جق» صرف ایتدکلمری امکلمک ثمراتی اقطاعدن
محروم براقه‌جق ناکه‌ظور برطاقم عوارض کونی و طبیعه‌یه قارشوی
مدافعه و مقاومه‌دن عاجز و قاصر بولندقلمری‌ده جای خفا دکلمر.

بناءً علی ذلک ذمتمزه مترتب برنجی وظیفه انسانی من مواهب
سمانی‌یه حسن استعماله اهتمام و غیرت یعنی داخل دائرة استطاعت
بولنان بوتون اسباب و وسائلی الهه ایده‌رک ازاله موانعه بذل مقدرت
و بوخصوصه یک‌یکرمز ایله همدست وفاق اوله‌رق ایضای تعاون
بابنده تکاملدن مجانب ایتک.. وظیفه ثانی‌ده استطاعت بشریه فوق‌ده
بولنان امورک کافه‌سنده، مضطر قالدیمز و فرومانده اولدیمز احوالک
جه‌سنده قدرت الهیه‌سی هرشیئه شامل، بوتون شئون عالمی محیط
اولان معبود متعالمزه التجا ایله مقیم اعمال و مواعیل آمال اوله‌جق معونت
ربانیه نیاز و استرحامنده بولندمدر.

زیرا استعین بالله «ام من یحیی المضر اذا دعاه و یکشف السوء

و یجعلکم خلفاء الارض ءاله مع الله» نص جلیلی و امثال شریفه‌سی
منطوقیمه لدی الاضطرار قوللرینه باب عنایتی کشاد و آفات و عوارضی
دفعله آنلری دلشاد بیوران انجیق ذات الوهیت صمدانی اولدیمز
بیایرکن حالت عجز و درماندگی‌ده ماسوادن استعانه و استمداد ایده‌جک
اولورسه‌ک اصل اصل توحیدی رخنه‌دار و خصائص جلیله الوهیتده
اثبات شریکه اجتناسار ایتش اولورز. دقتله مطالعه اولندیمز تقدیرده
بو بیامزدن «ایک نستعین» قول کریمی «ایک نعبد» نک مقم مفادی،
مؤید مؤدای اولدیمز ده مستبان اولور. زیرا ذکر ایتدیمز معناه
درکاه حقدن استعانه بوتون صمیمیت قلب ایله رب الارباب و مسبب
الاسباب اولان فیاض اقدسک بارکاه احد یتنه توجه و ابتهاج دیمکدرکه
هر عبادتک اوزی و اب خالصی بوندن عبارت اولدیمز بالاده ایضاح
اولندی. ناصیل که «الدعاء مخ العبادة» حدیث شریفی ده بوکا دالدر.
بو‌حاله دعا و التجایی درکاه آخره توجیه ایتک هنکام نزول قرآنده
بین الناس شایع اولان بتپرستک انواعندن برنوع اولمسنده شبهه قالماز.
بناءً علیه عبادت کبی استعانه‌نک ده جناب ذوالجلاله اختصاصی بیان
بیورماق اقتضا ایتشددر.

الحاصل جهلای ناسک معبود اتحاد ایتدکلمری اشخاص و یا
اشیادن خوارقه دائر واقع اولان استعانه و استرحاملری اسباب عادیه
و احوال جاریه خصوصنده ناسدن استعانه‌یه قابل قیاس دکلمر. ارالرنده‌کی
فرق آشکاردر. ایدمی برینک بطلانی و عدم مشروعیتی حسیله‌دیگرک ده
اوله اولمسی لازم کلز.

استطاعت بشریه دائره‌سنده بولنان افعاله ناسدن استعانه اسباب
مادی‌یه صورت مناسبه‌ده استعمال منزله‌سند تنزیل اولنور. اما قدرت
بشر خارجنده اولان بر شیئی جناب حقک غیرسندن طلب و استمداد

ایتمک او کیسه بی خلاق اقدسه مدبل قلمق دیمکدر. بوایسده کفر محض و اشراک بالله در .

مثلاً محتاج تداوی بولنان مریضی استعمال ادویه سبز شفا یاب ایتمک واسلحه و مقدار جد غایت دون بولنان اوردونک خصمه غلبه سنی تمنی ایلمک کبی شیلر بوقیلنددر . بوبله بلا سبب مطاوبی حصوله کتیرمک ، اسباب معصده بی حکم سبز بر قق خوارق عظیمه دن معدود اولوب یالکز قدرت قاهره صندایه ایله تحقیق ایده بیلیر . پک زیاده اضطرار زماننده درگاه ربانیدن استعطاف اولنسی مشروعدر . فقط اسباب لازمه مراجعت ایتموب عادی شیلری ده دعا ایله استحصاله چالیشمق عبث وی معنادر . حتی وضع اسباب حقه کی حکمت الهیه بی ابطاله سعی دیمک اولغله خطای عظیم اولدنی آشکار در .

قرآن کریمده « ان نصروا الله ینصرکم و یشیت اعداکم » بیورلمشدر . معنای شریفی : « سز الله تسالی به نصرت » تهیئة اسباب ایله اوامر الهیه مبادرت « ایدر سه کز الله سز می منصور قیلار » اسبابک تأثیرینی خلق ایله موفق ایلر ، « اقدامکزی تثبیت ایدر » اعدایه غالب اولورسکز . ایشته دوام و اطراد اوزره موعود آلهی اولان نصرت بوندن عبارتدر . بعضآده « فلم یقلوهم لکن الله قتلهم » نظم شریفنده مذکور بولنان نصرت خارقه ناک امثالی تجلی ایده بیلیر . فقط بوکا اعتماد ایله محاربه به کیر اتمک مشروع دکدر . چونکه بوضوئله قیام تهلکه به اقحامدر که « ولاتلقوا بایدیکم الی الله لتهلکة » قول کریمیه تحریم بیورلمشدر . بویالکز الجای ضرورت ایله محافظه و شان شرف ایچون التزام اولونه بیلیر .

« اذالم تکن الا الاسنة مرکبا »

« فما حيلة المضطر الا رکوبها » [۱]

مناسرتی اسماعیل صنی

نجائب قرآنیة

سورة آل عمران: آیت - ۱۰۴

« ولکن منکم امة یدعون الی الخیر و یأمرون بالمعروف و ینهون عن المنکر و اولئک هم المفلحون »

[جناب حق آیات سابقده تکمیل و تهذیب نفسی امر ایتمکدن صکره بو آیت جلیله ده تکمیل و ارشاد غیری امر ایدوب بیور یورکه] سزدن [نامی] خیره دعوت ایدر . و [بالخاصه] امر بالمعروف و نهی عن المنکر ایلر بر جماعت بولنسون . فلاح بولانلر انلردر . [کال فلاحه مختص اولانلر ایشته بوصفات فاضله ایله تمیز ایدن اوجاعتدر .] « ولکن » کلمة قدسیه سی اثناء تفسیرده اشارت ایدلدیکی اوزره [لوجود] معنایه فعل تامدر . « منکم » ده [من] تبییضیدر و امره متعلقدر . « امة » فاعل ، « یدعون » انک صفتی بر . امت :

[۱] سونکو و ضرر افردن غیری یننه جک شیء اولما نیجه مضطر قالانک آنلره ینمکدن بشقه چاره سی اولور می ؟

صنوف ناسک قصد و اقتدا ایلدکری جماعته دینور . « یدعون » ، « یأمرون » ، « ینهون » فلانلر نیک مفعول صریحی بولنان [ناس] کلمه نیک حذفی ظهورینه مبنی در .

معروف : شرع و عقلک استحسان ایتدیکی . و منکر : شرع و عقلک قبیح کوردیکی شیلردر . دعوت الی الخیر ، دینی و یا دنیوی صلاحی متضمن اولان شیئه دعوت دیمک اولدینی جهته امر بالمعروف و نهی عن المنکر دعوت الی الخیرده مندرج ایکن بونلرک خاصة ذکر اولنلری سائر امور خیریه اوزرینه فضل و رجحانلرینی اظهار ایچونددر ، شو حالده « یأمرون بالمعروف و ینهون عن المنکر » قول شریفنک « یدعون » اوزرینه عطفی عطف الخاص علی العام قیلنددر .

آیت کریمده جمله امته توجیه خطاب ایدلمشکن امر بالمعروف و نهی عن المنکر پیشوا بر جماعت فاضله به تخصیص بیورلمی مفسرین کرام حضراتی طرفندن تقریر ایدلدیکی اوزره بو مهم وظیفه فرض کفایه اولوب سائر فروض کفایه کبی امر بالمعروف و نهی عن المنکرک دخی بتون امته واجب اولدینی و فقط « یدعون » بر لکده بو وجیه بی اقامه ایتسی صورتیه جمله به واجب اولیوب بلکه بعضیلری اقامه ایدر سه باقیسندن ساقط اولدینی و شاید هپ بردن بو وجیه بی ترک ایدر لسه جملة آثم و کبیرکار اولدنلرینی افهام ایچونددر . برده امر بالمعروف و نهی عن المنکر وجیه سی جلائل اموردن اولوب احکام الهیه و مراتب احتسابه و بونلرک صور اجرائیه سنه آشنا اولمق کبی قیود ایله مشروط اولدینه و بو امور و وقوف خصوصیه ایسه افراد امت متساوی بولنمیفنه مبنی بو وجیه بی امت ایچنده لنجق فضیلت و اهلیت ایله تمیز ایدنلری در عهده ایده بیله جکری ایچونددر .

ینه مفسرین عظام حضراتی دیورلرکه شروط مذکوره به واقف افاضل دانشوران امتدن ماعداسی بو امر خطیره تصدی ایدر لسه معکوس و مضر نتیجیلر تولد ایدر ، چونکه ذکر اولنان شروطه و قوفی اولمیانلرک منکر ایله امر و معروفدن نهی ایتملری ، ملایت یرنده غلظت و غلظت یرنده ملایت کوسترلری ، حتی بعض کسانک منکرده تمادی و اصرار لرینی موجب اوله جق صورتده نهی عن المنکر ایلری غالب احمالدر .

خیر الناس کیدر ؟ سؤاله جواباً فخر عالم صلی الله علیه و سلم حضرتلری : خیر الناس ، الک زیاده امر بالمعروف ، الک زیاده نهی عن المنکر ، الله ایچون الک زیاده اتقاء ، الک زیاده صلوة رحم ایدنلردر ، بیوردی .

مشکات درخشان نبوتدن شوده شرف صادر اولمشدر : معروف ایله امر و منکردن نهی ایدنلر ، روی زمینده للهک خلیفه سی و رسولنک خلیفه سی و کتابنک خلیفه سیدر .

ملک و ملتک صلاح و سعادتتی مجتمعا دوشورور ، مجتمعا امر و نهی ایدر ، مجتمعا استشارة ایلر بوبله بر فاضل و خیر خواه جماعت وانک مشورت و مذاکره سنه مخصوص کاشکی برده محفل امت بولنسه ! [۱]

[۱] بو تمی اثرک زمان تألیفه راجعدر . له الله تمنی اولنن محفل امت شمدی دردست کشاددر .